

AVP ta señala

Empleadonan publico traiciona den asunto di pago igual pa hende muher

ORANJESTAD(AAN) -- "Durante apenas un aña di tempo e Gobierno cu Wolf ta sostene, a tuma den servicio di Gobierno mas cu 1000 persona", asina AVP a señala.

AVP ta sigui bisa cu esaki ta segun e cifranan di Banco Central y no segun partido di oposicion.

Wolf ta presidente di e bond di empleadonan di Gobierno y como tal tur e empleadonan di Gobierno por spera di Wolf cu e ta sali na nan interes y no na interes di su partido.

Pero kico tur empleado publico ta mirando tur dia ta cu Wolf ta haci tur sorto di vuelta pa defende su partido den Gobierno lagando e interesnan grandi di e trahadornan un banda.

Segun AVP, e hecho su cu nunca te awe seriamente Wolf a

cuestiona e tumamento den servicio incontrola aki ta papia pa su mes. AVP a enfatisa cu Wolf sa mes bon cu cualkier hende den comunidad cu e tumamento den servicio di tanto hende tabata den mayoria di e casonan pagonan di campaña y ningun momento necesidad di e aparato administrativo di Gobierno.

Hecho ta cu door di tuma tanto hende den servicio no solamente henter e aparato gubernamental ta pegando mas y mas pasobra un ta stroba otro di produci, pero loke ta hopi mas serio ta cu e castigo cu pa basta aña e trahadornan di Gobierno ta pasando aden awor a worde prolonga cu basta aña.

AVP a señala cu awor Gobierno mester paga Mil hende mas un salario y mirando e situacion pesimo di e finanzas di Gobierno, esaki kiermen cu atrobe e

empleadonan di Gobierno ta bira e victima.

Den tempo di abundancia na añanan '82, '83 y '84 e mesun partido di Wolf a distribui tur e reservanan di pueblo cu e consecuencia cu henter pueblo mester a sacrifica y esnan cu a haya e sla mas directo tabata empleadonan di Gobierno cu te awe no a bay bek na un situacion normal, corda pa mehora nan posicion.

Segun AVP, Wolf a pasa den tur esaki y sa con duro empleadonan publico a haya e peso pa carga. Awor envez di bringa pa mehoracion di e empleadonan di Gobierno, ta mira con sindicalista Wolf ta coy banda di Gobierno contra e trahadornan.

Ultimo vez cu esaki a sali na cla tabata ora cu Wolf a defende MEP den e caso contra pago igual pa hende muher. Envez di para firme y defende loke ya caba a worde logra, e ta traiciona su hendenan pa sostene su partido MEP.

AVP semper a bisa cu e ta respecta pa cualkier representante di cualkier gremio tin su opinion politico pero esaki no por bay asina leu cu e interesnan di e gremio ta bira victima di e opinion politico di e representante.

Esaki segun AVP por dura poco tempo te ora esnan cu ta worde representa sinti cu tur local ta worde haci ta na nan desventaha. E ora Wolf lo haya un grupo di empleadonan

publico cu ta bay ta furioso y lo presenta e cuenta.

Dia cu AVP tabata tin un reunion cu SEPA riba un otro asunto, a bin resulta cu Gobierno no a haya SEPA suficiente importante pa caba di trata e concepto di ley pa seguro general pa malesa e asina yama Algemene Ziekte Verzekering.

AVP ta señala cu ningun parti por a tende Wolf exige pa trahadornan tin derecho di worde involvi debidamente den preparacion di un ley asina im-

portante. Ta di lamenta segun AVP cu Wolf a diriti completamente.

Den e tempo di e conflicto entre FTA y Coastal cu Gobierno na un manera traicionero el a laga su companeronan di FTA cay por completo y awor e ta laga tur su empleadonan di Gobierno cay na favor di su partido MEP. Hendenan mas y mas ta cuminsa puntra ta kico su interes grandi ta den e defensa di MEP contra e interes di e trahadornan.

Tres muher a bringa cu un homber

ORANJESTAD(AAN) -- Diaranzon asistencia di Polis a worde solicita den Macapruimstraat, Dakota, pa un pelea entre tres muher y un homber.

Tabata mas o menos 7.35 or di anochi, ora cu asistencia di Polis a worde solicita. E agentenan policial cu a presenta na e sitio a constata cu enberdad tres muher

tabata bringa cu un homber.

A resulta cu tur e personanan aki ta Dominicano y nan ta kedando riba nos isla sin e permiso necesario.

Tur a worde deteni y hiba Migracion, caminda nan a keda encarcela pa segura nan deportacion. Kico tabata e causa di e pelea no ta conoci.

Fundacion Faith
Revival Center cu
campaña cu Johan
Smooorenberg

ORANJESTAD(AAN) -- Fundacion Faith Revival Center, situa na Rooi Afo no. 10 ta invita cada un pa un gran campaña di avivamiento cu Johan Smooorenburg.

Esaki lo tuma lugar dia 14 te 20 di Juni '90 riba e tereno enfrente di DOW situa den Paardenbaaistraat.

E campaña lo cuminsa pa 7.30 or di anochi. Johan Smooorenburg ta un artista profesional cu tin un ministerio tocando su clarinet y saxofoon hunto cu predicadornan for di Estados Unidos y Hulanda.

the music box
RECORD AND NOVELTY SHOP



*DISCOS
*TAPES
*CASSETTES
*NOVEDADES
*JUEGOS ADULTOS
*MALDADES
*TRUCOS
*BROMAS
*POSTERS
*REGALOS



ELLEBOOGSTRAAT 7A
ORANJESTAD, ARUBA
TEL.: 24329

GRANDIOSO BARATILLO


DIA DI TATA

10% ariba TUR COMPACT DISC, CASSETTES, DISCONAN Y SONY WALKMAN

5 Cassete graba pa
70,00 - 70,00 - 70,00
1 siman so!

CALIDAD ta nos GARANTIA

pa un bon recepcion di **ITALIA '90**



Model 5490 Quasar
4-head double azimuth Video Cassette Recorder
AF. 790,-

- 155-channel quartz tuner with auto set
- On-screen programming
- Bar code programming (optional accessory VF90)
- Audio/video input/output terminals
- 4-event/1 month calendar timer

Model 1920 Quasar
19" diagonal remote table color TV
AF. 790,-

- High contrast tinted Dynabrite picture tube
- 100 channel quartz tuning, programmable scan
- Compu-Matic 19-function remote
- Sleep timer, channel check, mute
- Dynacolor system, Service Miser chassis
- 75 ohm connector for cable TV
- LED channel indicator
- Cabinet: Simulated walnut finish

Model 5495 Quasar
Hi Fi Stereo Model 5495 Video Cassette Recorder
AF. 1090,-

- Hi-Fi stereo sound
- MTS/SAP built-in
- Dynamic range more than 90 dB
- Bar code programming capability (optional accessory VF90)
- Auto repeat
- On-screen programming

Model 1910 Quasar
19" diagonal table color TV
AF. 640,-

- High contrast tinted Dynabrite picture tube
- Custom-Matic VHF/UHF tuner
- Supracolor system
- Service Miser chassis
- 3" x 5" oval speaker
- VHF dipole/UHF bowtie antenna
- Cabinet: Simulated walnut finish

MARATHON

NUMBER
DI FAX
28551
DIARIO